

IOANNES LVDOVICVS BRASSICA-
nus Georgio Vuernhero.

NE quis uana putet, quæ scribis mira Georgi,
De Præfecturæ fontibus ipse tuæ:
Is sciat effectus oculis nos testibus usos
Lustrasse, & certam nunc adhibere fidem.
Nam ferrum Cyprio indutum conspeximus ære,
Et uitrei tacta est stiria longa olei.
Si quis de causis dubitat fontesq; requirit,
Naturæ inscians omniparentis opus:
Carpatias adeat per nos licet impiger oras,
Inueniet dictis consona facta tuis.
Suspectæ fidei plerunq; incognita res est,
Quamuis hoc tardi est indicium ingenij.
Sed quid dissimulare iuuat? nos credere par est
Testi, qui proprio plena fauore refert.
Et tu mirificas nimirum abstemius undas,
Et causam tractas iustius ipse tuam.